

GOOD FRIDAY PROGRAMME

HOLY COMMUNION

11:00 AM : ZINGLAM BIAKNA KIKHOP

Biakna & Phatna : WT makaih in
 Thilpiak latna : Upa T. Gou Khangin
 Special No. : TBDF, TBCD
 Thugenna : Pastor
 Phatkhamna : WT makaih in
 Hunkhakna : Upa H. Kam Suanthang

02:00 PM SUNNUNG KITHUAHKHAWMNA

Pathian Thu leh La a Kithuahkhawmna om ding a, Dorcas Nungzuihna Camp Follow Up hingal ding.

Pitu: Upa T. Thiankhamnua leh
 Upa T. Songzalian

KIPAHTHUGENNA

Pa Robert Suanlian and family, Sec-4, RK Puram, in Pathian gam nasepna dia Rs 2000/- leh ball pen 20 TBCD Committee te kiangah itna thilpiak in hon pia hi. Hiae dangka pen, Khominthang, New Lamka , Manipur a om, a inn uh, THANGVANG BLESSING HOME, (a pu' Evan Thangvang Guite(1871-1960), ei Paite mite laka Khristian masapen leh Paite leh Gangte mipite laka Tanchinholi Khovak poluttu) apan khakhat inluahman ahon laakkhiak ahi. Itna thilpiak hon pia, Pa Robert Suanlian leh a innkuant te tungah kipahthu ka hon gen uhi.

BCD Sinsaktu, Htp Pausianmung leh a innkuante'n microphone thak liklek khat, a poimoh banga zat ding, itna thilpiak in hon pia ua, amau tung ah kipahthu ka hon gen uhi.

Toupa'n itna thilpiak hon petute- Pa Robert Suanlian leh a innkuante leh Htp Pausianmung leh a innkuante, aleh tami in vualzawl henla, Toupa'n a gam nasepna ah hiae thilpiakte a manphatheipen a zat hidin vualzawl hen chih ka thumna uh ahi.

Secretary ,TBCD.

NIPINI NAWN BIAKNA HUNZEK

April 21, 2019

EASTER SUNDAY

11:00 AM : ZINGLAM BIAKNA KIKHOP

Biakna & Phatna : WT makaih in
 Thilpiak latna : Upa Khamkhanpau Guite
 Special No. : Papi Lapawl,
 TBDF leh TBCD
 Thugenna : Pastor
 Phatkhamna : WT makaih in
 Hunkhakna : Upa Dr. B Langkham

02:00 PM SUNNUNG BIAKNA KIKHOP

Biakna & Phatna : WT makaih in
 Thilpiak latna : Upa Chinsum
 Special No. : BYF/ Individual/Group
 Thugenna : Pastor
 Phatkhamna : WT makaih in
 Hunkhakna : Upa T. Thianzakham

BYF COMMITTEE 19-20 KILEPDAN

Advisor : Pastor Thuamminlian Guite
Chairman : H. Tunkhanmuan
Vice Chairman : Kapgoulian Vualzong
Secretary : Kamlianmung Hangzo
Assist Secy. : T. Jambiakmang
Finance Secy. : N Lalsuanmang
Treasurer : Lhingenniang

Music Department

Secretary : S. Ginlalsiam
Assist Secys. : Benjamin Guite leh
 Man Jewelkim

Program & Ushering Department

Secretary : V Summinlu
Assist. Secys. : Zengnaihlu leh
 Vungkhawlching

Evangelism & Fellowship Department

Secretary : E. Thonsuanmung
Assist. Secys. : Moses Lianzachin leh
 Donkhanching

Biakna Kikhop - NIPINI TENG
 ZINGLAM DAK 11:00 AM
 SUNNUNG DAK 2:00 PM



Tukha Thupi
 Thilpiak A Nasep A Pathian
 Pomtak Biak Piakna

For Private Circulation Only | April 14, 2019

Laisiangthou Bulphuh

*At zing in, ankuangluina a hong
 mipi tampi'n, Jesu Jerusalem
 khua ah a hong ding chih a zak un,
 Jum nahte a tawi ua, a dawn ding
 in a va pawt ua, Hosanna, Toupa
 min a Israelite Kumpipa hong pia a
 hampha e, chiin, a kikou ua.
 [Johan:12:12,13]*

PRAYER POINTS

> Tuni Nipini/ Palm Sunday hun hoih hon musak a, Amah be dia hon pikhawm Toupa min i phat ahi.
 > Innsung ah Iusuunna tuak member bang zah hiamte khamuanna ngepihni.
 > Damlou a omlelte leh a kemtute Pathian in damna leh thathak a piak nading in thumna ah phawk zel ni.
 > Financial year 2018-2019 hon Zangkhinsak Toupa kiang ah kipahthu gen in, tu term thak a Saptuam hon makaih tou dingte thumpi h ni. Masawnta leh Vualzawlha kum hong hihna ding in thum ni.
 > Tukha sung a programme zat di Good Friday leh Easter Sunday te Toupa khut hat ah kemsak in, a deihna bang a manpha pen a zat ahihtheihna din thumni.
 > Nipini nawn biakna hunseh kigelte manphatak a i zat theihna ding in Toupa khut hat ah kemsak ni

April 2019 USHER

Mipi Biakkhamna hunte a Usher-te :
11:00 AM :
 Mahavir Enclave Prayer Cell 1 & 2
02:00 PM :
 BYF Committee

TUNI BIAKNA HUNZEK

PALM SUNDAY

11:00 AM : ZINGLAM BIAKNA KIKHOP

Biakna & Phatna : WT makaih in
 Thilpiak latna : Upa H. Zabiak
 Special No. : BCD, TBDF
 Thugenna : Pastor
 Phatkhamna : WT makaih in
 Hunkhakna : Upa L. Ngulminthang

Tea Fellowship - Singpi Dawn a Kithuahkhawmna

02:00 PM SUNNUNG BIAKNA KIKHOP

Biakna & Phatna : WT makaih in
 Thilpiak latna : Upa G. Damsawmthang
 Special No. : BYF, BCD Music Club
 Thugenna : Pastor
 Phatkhamna : WT makaih in
 Hunkhakna : Upa Khamkhanpau Guite

Tea Fellowship - Singpi Dawn a Kithuahkhawmna

BCD SUNDAY SCHOOL PROGRAMME

"PATHIAN' POMTAK BIAKNA" *Rome-te 12.1*

BCD Hall, 11:00hrs Nipini 2na

Pitu : Htn Muante
 Bible Sima thumna : Liansuanbul, Inter
 Phatkhamna : Lapite makaih in
 Spl no. : Ka Hondampa'n a hon itna
 Sharing : Sarah Thangthianmuang, Inter
 Spl no. : Jesus Messiah
 Lathak sinna : Lapite makaih in
 Thilpiak Latna leh
 Toupa Thumna : Htp Munge

Pawl kikhena omlou ding

BCD Music Club Lasinna omding a, Sunnung mihi kikhop na ah BCD Music Clubte kikhop chiat ding, phatna lasakna omding ahi

April 2019 kha Ushers dingte : Htp Sonlal leh Htn Mankhanning

Mipi Biakna Kikhop ah Hossana chia kikouna BCD in a kineihzoh chiangin Devotion pat hiding ahi. Hiae huna pitu ding : Htp Sonlal

*Editorial***HOSANA! TOUPA AW HON HONDAM IN!**

Dew simtute tengeng Palm Sunday Chibai!

I Toupa Jesu Khrist in tatna nna sem ding a leitung a hong vak lai a, a sihma nipikal nanungpen kipat hun tuh Palm Sunday - Jesu Khrist Jerusalem a a lut ni, i chih ahi. Hiai thiltung, tua hun a Jerusalem khopi husa mahmah leh a sang a simte kipunkhawm a, i Toupa Jesu Khrist pahtawina thupitak a piak uh tuh gelkholhlouh thiltung ahikei hi. Pathian tangtawn thilgel ahi a, A Jawlnei Zekariah in, tanglai pek in, ana genkhol khinta hi (Zek. 9:9).

Tutung in Palm Sunday thiltung (event) a kipkawi a genlou in, Toupa vualzou a Jerusalem a lut ni a, mipy sang tampite'n kikou zuazua a a thusam uh "Hosana" kichi lungsim ah a hong gingga a, tua thu saulou kikum ni.

"Hosana" ichih chiang in, "tu'n hon hondam in" chihna ahi, a kichi hi. Hiai tuh ngetna leh thumna aw ngaih tak ahihbar ah, hun hong paitou zel in, phatna kammal hong suak hi. Huaiziak in, "Hosana" i chih chiang in, Toupa' hotdamna phuangzak kawm a pahtawina pia i hi a, a Hotdamna ngen a i thumna leng ahi hi.

Tua hun a, Jerusalem kongzing a, Jesu nung leh ma a pai a, kikou zuazuate'n "Hosana" a chih lai un a lungsim uah bang a om dia aw! Tua hun a Jerusalem mipite ading in, Jesu tuh a lametna uh thaksaku ahi. Messiah Kumpi amaute ading a hong pai ding a, amaute a saltanna ua kipan honkhe ding ahihdan, tanglai Jawlneite' thugen ngaklah tak a ngakte ahi uhi. Judeate tuh tua hun in, Rome thuneihna giloutak (tyranny) ukna nuai a saltang a om ahi uh a, hon khetu ding ngai a a omlaitak uh ahi hi.

Tua huntak in, i Toupa Jesu a vangletna leh thilhithiehna toh Pathian gam tanchinchoi sinsak in hong kizang hi. Damloute hihdam in, Lazar nangawn sihna akipan kaithou hi. Huaiziak in, Rome solkal apan hukhia a, suaktasaku thupi (great deliverer) hiding in na lamen mahmah uhi. Politiks a suahtakna pe ding, chidamna, hauhsakna leh thupina pe ding in, "Hosana" na chi uh hiding hi.

Himahleh, Pathian thilgel tuh tua sang a thuzkaw ahi. Toupa hong paina in tua khenlam ah sephkiak ding a nei hi. Politiks ahi masa kei a, salam damna, nopsakna leh khantouhna ahi masa kei! Khalam damna leh suahtakna hiding in hong pai zaw hi. Pathian toh kimelma mikhialte'n Amah toh kilemma a neihna ding ua Lemna Kumpipa hiding in, kingainiamtak in, Sabiltung nou tung a tuang in a hong pai hi. Gendar dang ah, Khros a siding, Paikan belamnou hiding a Jerusalem lut ahi. Khelhna sal a tangte suahtasak a, mikhialte ngaihdamna

ding a, kithoihna hiding in a hong pai zaw hi. Huaiziak in, a lamet uh toh kibang lou hiding a, Palm Sunday a mipy kikou teng lak ah tampite mah, "Khros ah kilhlum in" chi a kikoute a hong suak uhi.

Israelte bang in, tu hun a "Hosana" chi a Palm Sunday zang mimal chihte leng i kingaihuhna ding a om hi. Israelte'n a koltanna thuzkaw uh thei banlou in, salam thilte buaipih leh lunggulh in, tuate hih tangtuntu ding in Jesu ana sam uhi. Tuni'n eite'n leng Jesu i salam haksatnate sukvengra ding kia in i na sam kha hia? Khalam a koltang kawmpi a, salam suahtakna leh nopsakna lunggulh a Toupa sam i hih leh i lohsam ding hi. I thumna leh pahtawina husate leng manna bei a hi ding.

I gam siatna i gen a, setan sal a lutkik hileng kilawm khop in, mialthilhihte in a dim nawnta. Tuni'n "gingtute" "khristiante" chih a om hina zenpi in, Khalam koltanna i hau gawpta uhi. Salam thil deihna leh huaihamnaten hon zou gawpta hi. Sum-le-pai deihna ziak in i minam sung a buaigawpta! Kris min a vualleh gige a, a Setan in zohna a tan ding i phal ngal dia hia? Bangziak a a vuallelsa i lak a hichi maingal ahi?

Gingtu, Khrist sepaih hangsante aw, bang ziak a i minam, i inkuan leh gamsung sual thilhithiehna nuai a tangkik ding i hia? Halh in kikou ni! "Hosana, Toupa hon hgondam in!" chi a, Toupa i sap a, a thupina i puanzak kik uh angaita hi. Khalam hotdamna leh suahtakna i ngai hi. Salam thupina leh hauhsaknate sang in, Khalam mahmah ah hon tungding kik ding in Toupa sam ni.

Heutu Rev Dr Ginnei Thang in, "i gam ah Setan thilhih leh a nnasepte kia I ki gensiak ua, Setan tuh a maingal louh theihlouh ahi. Bible in, setan' thu gen ding a chikei a, Pathian' thupina phuang un (Declare His Glory!) chizaw ahi," a chi hi. Toupa aw, sal ah ka tang uh, simlam luite bang in hon pikik nawn in. Halhna ka ngai uh, damna ka ngai uh. Hosana Toupa hon hondam nawn in!!!

**EBCC DELHI, TBDF SILVER JUBILEE
(2004 - 2019) LOPNA DING - UPDATE**

1. Ani ding May 11, 2019 (kiginni). Dorcas day/Nute ni May 12, 2019 (pathianni) toh kizom ding. Amun ding EBCC biakin, Nasirpur, Dwarka .

2. Programme a nuai a bang te hiding hi

Thupi : "Thilpiak leh Nasephoih a Biakna" (Nas. 9:36 - 41)

HUN KHATNA(May 11, 2019 [Kiginni])

(10:30 AM – 1:00 PM)

HUNZEEK - Nu Manlian**JUBILEE PROCESSION**

Patna thumna : Pastor H. Biakson , Adviser TBDFC

Halleluia Lapawl : TBYF

Biakna leh phatna: WT Makaih in Vaidawn Thugen : Nu mankhodim President, TBDF

Jubilee Lapawlpi : TBDF EBCC Delhi Jubilee Thupuak : Nu chhungi 1st president TBDF

Chialtuamte hun : ZCF Ladies Prayer Fellowship Jubilee thu-vaikhah : Rev. G. Paukhanmang GS, EBCC HQ.

Chialtuamte hun : CBA Local Baptist Women Society

Jubilee Tongdam : Upa G. Damsawmthang 1st Advisor, TBDFC

Chialtuamte hun : BDF EBCC CentralDelhi Biakna leh Phatna : Worship Team

Annkuanglatna leh vualzawlina : Pastor H. Thangchinkhup

.....Sun Ann...Sun Ann...Sun Ann.....

HUN NIHNA

2:00 PM – 5:00 PM

HUNZEEK - Nu Grace Nemching

Biakna leh Phatna : Worship Team

BDF - Tuma le Tuhun(Media Show) : TBDF EBCC Delhi

Jubilee Lapawl : TBDF, EBCC Delhi

Jubilee Nute hun : Jerusalem Bial' Nute Chialtuamte apat thukup : BDF EBCC Central Delhi

Jubilee Nute hun : Nazareth Bial' Nu Te Chialtuamte apat thukup : CBA Local Baptist Women Society

Jubilee Nute hun : Bethlehem Bial' Nu Te Jubilee Thukup : Secretary Masate

Apat (Nu Chinglian, Nu Hauzavung , Nu Melody Lian, Nu Chingngaihlian, Nu Niangzaching) Jubilee Nute hun : Kana Bial' Nu Te Chialtuamte apat thukup : ZCF Ladies Prayer Fellowship

Pahtawina Hun : TBDF makai te Kipahtu Genna : Nu Chinglian , Asst. Secy, TBDFC

Biakna leh phatna : WT makaih in Vualzawlina leh Hunkhakna: Pastor Thuamminlian Guite

MAY 12, 2019 [PATHIANNI]

11:00 AM – 1:00 PM

HUNZEEK - Nu Ruth Ngaihlun

Biakna hun Patna : Pastor H. Biakson

Biakna leh Phatna : WT Makaih in Thilpiak Latna : Upa L. Ngulminthang Chairman, TBSUC

Dorcus Day/Nute Ni Thupuak : Nu Chingngaihlian Vice Prez., TBDFC

Chialtuamte hun : TBSUC, TBCD, TBYF Nute Ni' thu Vaikhah leh Nute adia Thumsakna : Rev. G. Paukhanmang GS, EBCC HQ.

Dorcus Lapawlpi : TBDF

Pahtakna leh Kipahtihna Thilpiak Hawmna : Nu Nianglanching Finance Secy., TBDFC

Kipahtu Genna : Nu Roui Secretary, TBDFC

Biakna Leh Phatna : WT Makaih in Tawpna Thumna : Upa Thiankhanmuan Secretary, TBSUC

BDF MUSIC DEPT. APAN KIZAKSAKNA

Tuni(7/4/19)Zinglam kikhoptawp phet chiang in Lazilna(Palm Sunday/good Friday/Easter Sunday a di) a omding. Kuapeuh mah Dorca pawlte telchiat din i ki ngen in i ki zasak hi.